

**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2014/EES/67/122  
nr. 108/2014**

**frá 5. febrúar 2014**

**um að samþykkja ekki virka efnid kalíumþíósýanat í samræmi við reglugerð Evrópuþingsins og ráðsins (EB) nr. 1107/2009 um setningu plöntuverndarvara á markað (\*)**

FRAMKVÆMDASTJÓRN EVRÓPUSAMBANDSINS  
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1107/2009 frá 21. október 2009 um setningu plöntuverndarvara á markað og um niðurfellingu á tilskipunum ráðsins 79/117/EBE og 91/414/EBE<sup>(1)</sup>, einkum 2. mgr. 13. gr.,

og að teknu tilliti til eftirfarandi:

- 1) Í samræmi við a-lið 1. mgr. 80. gr. reglugerðar (EB) nr. 1107/2009 á tilskipun ráðsins 91/414/EBE<sup>(2)</sup> að gilda um virk efni sem ákvörðun hefur verið samþykkt um í samræmi við 3. mgr. 6. gr. þeirrar tilskipunar fyrir 14. júní 2011, að því er varðar málsmeðferð og skilyrði fyrir samþykki. Að því er varðar kalíumþíósýanat eru skilyrðin í a-lið 1. mgr. 80 gr. reglugerðar (EB) nr. 1107/2009 uppfyllt með ákvörðun framkvæmdastjórnarinnar 2005/751/EB<sup>(3)</sup>.
- 2) Í samræmi við 2. mgr. 6. gr. tilskipunar 91/414/EBE barst yfirvöldum í Hollandi hinn 6. september 2004 umsókn frá Koppert Beheer B.V. um færslu virka efnisins kalíumþíósýanats á skrá í I. viðauka við tilskipun 91/414/EBE. Staðfest var með ákvörðun 2005/751/EB að málskjölin væru fullnægjandi að því leyti að þau uppfylltu í aðalatriðum gagna- og upplýsingakröfurnar í II. og III. viðauka við tilskipun 91/414/EBE.
- 3) Áhrif þessa virka efnis á heilbrigði manna og dýra og á umhverfið hafa verið metin, í samræmi við ákvæði 2. og 4. mgr. 6. gr. tilskipunar 91/414/EBE, með tilliti til þeirrar notkunar sem umsækjandinn fyrirhugar. Tilnefnda

skýrslugjafaraðildarríkið lagði fram drög að matsskýrslu 27. júlí 2007. Í samræmi við 6. mgr. 11. gr. reglugerðar framkvæmdastjórnarinnar (ESB) nr. 188/2011<sup>(4)</sup> var farið fram á viðbótarupplýsingar frá umsækjandanum. Umsækjandinn upplýsti 30. maí 2011 að engar viðbótarupplýsingar væru tiltækar.

- 4) Aðildarríkin og Matvælaöryggisstofnun Evrópu (hér á eftir nefnd Matvælaöryggisstofnunin) endurskoðuðu drögin að matsskýrslunni. Matvælaöryggisstofnunin lagði niðurstöður sínar um áhættumatið á varnarefnum með virka efninu kalíumþíósýanati<sup>(5)</sup> fyrir framkvæmdastjórnina 22. október 2012. Matvælaöryggisstofnunin greindi fjölda eyðna í gögnum þar sem hefði þurft frekari framlög frá umsækjandanum. Í bréfi dagsettu 27. september 2013 dró Koppert B.V. umsókn sína um samþykki fyrir kalíumþíósýanati til baka.
- 5) Í samræmi við b-lið 1. mgr. 8. gr. tilskipunar 91/414/EBE var aðildarríkjunum gert kleift að veita bráðabirgðaleyfi fyrir plöntuverndarvörum sem innihalda kalíumþíósýanat sem gildir í 3 ár til að byrja með. Með ákvörðun framkvæmdastjórnarinnar 2010/457/ESB<sup>(6)</sup> er aðildarríkjum heimilað að framlengja bráðabirgðaleyfi fyrir kalíumþíósýanati um tímabil sem lýkur eigi síðar en 31. ágúst 2012. Með framkvæmdarákvörðun framkvæmdastjórnarinnar 2012/363/ESB<sup>(7)</sup> er aðildarríkjum heimilað að framlengja bráðabirgðaleyfi fyrir kalíumþíósýanati um tímabil sem lýkur eigi síðar en 31. júlí 2014.
- 6) Þar sem umsóknin var dregin til baka ætti því ekki að samþykkja kalíumþíósýanat skv. 2. mgr. 13. gr. reglugerðar (EB) nr. 1107/2009.

(\*) Þessi EB-gerð birtist í Stjtið. ESB L 36, 6.2.2014, bls. 9. Hennar var getið í ákvörðun sameiginlegu EES-nefndarinnar nr. 207/2014 frá 30. september 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, bíður birtingar.

(1) Stjtið. ESB L 309, 24.11.2009, bls. 1.

(2) Tilskipun ráðsins 91/414/EBE frá 15. júlí 1991 um markaðssetningu plöntuverndarefna (Stjtið. ESB L 230, 19.8.1991, bls. 1).

(3) Ákvörðun framkvæmdastjórnarinnar 2005/751/EB frá 21. október 2005 um að viðurkenna í grundvallaratriðum heilleika málskjalanna sem lögð voru fram til nákvæmrar athugunar með tilliti til hugsanlegrar færslu askorbínsýru, kalíumjodíðs og kalíumþíósýanats á skrá í I. viðauka við tilskipun ráðsins 91/414/EBE (Stjtið. ESB L 282, 26.10.2005, bls. 18).

(4) Reglugerð framkvæmdastjórnarinnar (ESB) nr. 188/2011 frá 25. febrúar 2011 um nákvæmar reglur um framkvæmd tilskipunar ráðsins 91/414/EBE að því er varðar málsmeðferð fyrir matið á virkum efnum sem voru ekki á markaði tveimur árum eftir tilkynningardag tilskipunarinnar (Stjtið. ESB L 53, 26.2.2011, bls. 51).

(5) Tíðindi Matvælaöryggisstofnunar Evrópu 2013 11(6), 2922. Aðgengilegt á Netinu: [www.efsa.europa.eu](http://www.efsa.europa.eu)

(6) Ákvörðun framkvæmdastjórnarinnar 2010/457/ESB frá 17. ágúst 2010 um að heimila aðildarríkjunum að framlengja bráðabirgðaleyfi sem voru veitt fyrir nýju, virku efnunum Candida oleophila af stofni O, kalíumjodíð og kalíumþíósýanati (Stjtið. ESB L 218, 19.8.2010, bls. 24).

(7) Framkvæmdarákvörðun framkvæmdastjórnarinnar 2012/363/ESB frá 4. júlí 2012 um að heimila aðildarríkjum að framlengja bráðabirgðaleyfi sem voru veitt fyrir nýju, virku efnunum bixafeni, Candida oleophila af stofni O, flúóþýrami, halósúlfúroni, kalíumjodíð, kalíumþíósýanati og spirótetramati (Stjtið. ESB L 176, 6.7.2012, bls. 70).

- 7) Af þessum sökum ætti að afturkalla áður útgefin bráðabirgðaleyfi og ekki ætti að veita ný leyfi.
- 8) Gefa ætti aðildarríkjunum tíma til að afturkalla leyfi fyrir plöntuverndarvörum sem innihalda kalíumþíósýanat.
- 9) Ef aðildarríki veita einhvern frest í samræmi við 46. gr. reglugerðar (EB) nr. 1107/2009 að því er varðar plöntuverndarvörur sem innihalda kalíumþíósýanat ætti þessi frestur að renna út eigi síðar en 18 mánuðum eftir gildistökudag þessarar reglugerðar.
- 10) Þessi reglugerð hefur ekki áhrif á framlagningu frekari umsókna fyrir kalíumþíósýanat skv. 7. gr. reglugerðar (EB) nr. 1107/2009.
- 11) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

**SAMÞYKKT REGLUGERÐ ÞESSA:***1. gr.***Virkt efni ekki samþykkt**

Virka efnið kalíumþíósýanat er ekki samþykkt.

*2. gr.***Umbreytingarráðstafanir**

Aðildarríkin skulu afturkalla áður útgefin leyfi fyrir plöntuverndarvörum sem innihalda kalíumþíósýanat sem virkt efni eigi síðar en 26. ágúst 2014.

*3. gr.***Frestir**

Allir frestir, sem aðildarríki veita í samræmi við 46. gr. reglugerðar (EB) nr. 1107/2009, skulu vera eins stuttir og unnt er og skulu renna út eigi síðar en 26. ágúst 2015.

*4. gr.***Gildistaka**Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 5. febrúar 2014.

*Fyrir hönd framkvæmdastjórnarinnar,*

José Manuel BARROSO

*forseti.*